



Pou Biblikasyon Imedya: 03/11/2023

GOUVÈNÈ KATHY HOCHUL

GOUVÈNÈ HOCHUL ANONSE DEPLWAMAN TOTAL RESOUS ETA YO POU REPONN AK MOVE TAN EKSTRÈM PANDAN SEZON IVÈ SA A

Ajans yo te revize plan yo, fè fòmasyon ak prepare resous yo anvan sezon ivè yo

Gouvènè mande biblik la pou yo rete prepare; Nouyòkè yo ta dwe konsidere enskri nan yon kou Kòporasyon Preparasyon Sitwayen

Gouvènè Hochul ankouraje Nouyòkè yo pou yo enskri nan NY-Alert pou resevwa alèt meteyo ak ijans an tan reyèl

Pandan Semèn Preparasyon pou Meteyo Ivènal la, Gouvènè Kathy Hochul te anonse jodi a ajans Eta New York yo te prepare tout resous repons pou ijans davans pou sezon ivè k ap vini an. Gouvènè a ap raple Nouyòkè yo tou mezi yo ka pran pou asire ke kay yo pare pou move tan ak rete enfòme sezon ivè sa a, sa ki enkli ankouraje tout moun pou yo enskri nan NY-Alert pou resevwa alèt meteyo ak ijans an tan reyèl pandan sezon ivè 2023-2024 la.

"Pandan n ap antre nan sezon ivè a, mwen te mande ajans Eta yo pou yo prepare byen pou repons pou ijans pou nou ka pare pou ede patnè nou yo nan nivo lokal yo chak fwa ak kote move tan frape", **Gouvènè Hochul te deklare**. "Nouyòkè yo konnen twò byen ke chanjman klimatik yo te lakòz tanpèt ki pwodui pi souvan, pi entans, ak pi enprevizib, kidonk mwen ankouraje tout Nouyòkè yo pou yo rete vijilan epi pou yo pare: enskri pou NY-Alert pou resevwa notifikasyon sou move tan ki pral rive sou wout ou epi konstwi yon twous ijans ak pwovizyon si ta gen yon blakawout oswa yon evakyasyon. Pa rete tann – prepare jodi a."

Nouyòkè yo ta dwe konsidere pran yon kou preparasyon pou ijans atravè pwogram Kòporasyon Preparasyon Sitwayen (Citizen Preparedness Corps, CPC) Eta New York la. Pandan kou sa yo, yo ap anseye moun New York yo yon apwòch pou tout danje yo pou preparasyon, sa ki ba yo ladrès ke yo ka itilize nan nenpòt siti�asyon ki menase lavi yo, ak enfòmasyon sou fason pou devlope plan ijans fanmi yo ak enpòtans pou fè rezèv pou ijans. Depi 2014, plis pase 370,000 Nouyòkè te enskri nan kou CPC an pèsòn yo. Gen prèske 40 evènman ki pwogramme nan eta a pou mwa novanmakdesanm nan. Pou kapab kwenn yon kou toupre ou, klike [isit la](#).

An tèm preparasyon Eta a, efò sa yo déjà sou pye, oswa ap sou pye nan yon pakèt ajans eta:

Efò Preparasyon ak Resous Ajans

Divizyon Sekirite Enteryè ak Sèvis pou Ijans (DHSES)

Biwo Jesyon Ijans (Office of Emergency Management, OEM) Divizyon Sekirite Enteryè ak Sèvis pou Ijans (Division of Homeland Security and Emergency Services, DHSES) travay pandan tout ane a ak patnè gouvènman lokal li yo atravè eta a pou asire preparasyon pou tout danje, enkli danje ivènal yo. OEM òganize epi reyalize fòmasyon woutin ak egzèsis tou nan Sant Operasyon Ijans Eta a avèk ofisyèl eta ak lokal yo. Anplwaye OEM yo te fè kat egzèsis similasyon ivènal nan mwa oktòb la nan divès kote atravè eta a pou asire yon repons efikas, kowòdone nan ijans ant tout nivo gouvènman an ak òganizasyon repons yo sezón sa a. Yo pwogramme yon lòt egzèsis similasyon ivènal pou mwa novanm lan.

Inite Rekiperasyon apre Katastwòf Divizyon an travay sou teren ak responsab federal ak lokal yo pou evalye domaj apre yon tanpèt pou yo ka maksimize asistans federal nan ka katastwòf pou kominate ki afekte yo. Yo sipòte efò rekiperasyon yo atravè eta a pandan tout ane a apre nenpòt katastwòf. Inite a tou administre Pwogram Sibvansyon pou Diminisyon Danje pou tout eta a nan non Ajans Jesyon Ijans Federal (Federal Emergency Management Agency, FEMA) la. Pwogram sa a prioyize pwojè kapital ki adrese solisyon alontèm pou abòde enpak katastwòf klimatik yo ak ranfòse enfrastrikti.

Biwo Prevansyon ak Kontwòl Ensandi (Office of Fire Prevention and Control, OFPC) Divizyon an sipòte repons fas tanpèt ivènal yo atravè administrasyon ak aktivasyon Plan Mobilizasyon Ensandi ak Èd Mityèl Eta, kowòdone resous sèvis ponpye atravè Eta a an repons ak demann ki soti nan zòn ki afekte yo. Pèsonèl OFPC disponib tou pou deplwaye machin kat wou motris ak chenyi, bay kapasite sekou teknik pou konplete epi sipòte ajans repons ijans lokal yo jan sa nesesè.

Depatman Transpò (Department of Transportation)

Depatman Transpò Eta a prepare avèk vijilans pou nenpòt move tan ki ka rive avèk prèske 3,500 operatè ak sipèviziè ki disponib nan tout eta a. Pandan tout sezón ete a ak sezón siklòn nan, anplwaye yo ap kontwole kontinyèlman previzyon metewolojik aktyèl yo ak pwochen previzyon yo, konsantre atansyon sou mentnan ak mach ekipman ki pi souvan nesesè pandan evènman sa yo. Sa gen ladan chas nèj, souflez nèj, chajè, and kamyon baskil.

Otorite Thruway

Anplwaye Thruway Authority pare pou sezón ivè k ap vini an ak plis pase 650 operatè ak sipèviziè ki prepare pou reponn ak nenpòt kondisyon nèj oswa glas ak plis pase 400 pyès ekipman pou batay kont nèj ki gen ladan kamyon chas nèj pwa lou ak pwa mwayer, chari remokaj ki ka netwaye ak trete jiska de liy alafwa, gwo chajè ak plis pase 110,000 tòn sèl ki pare.

Pandan Tan Ivènal la, yo itilize Pano pou Mesaj Varyab (Variable Message Signs, VMS) ak rezo sosyal yo pou avèti otomobilis yo sou kondisyon move tan pandan yo sou Thruway la. Otorite Thruway ankouraje otomobilis yo telechaje [aplikasyon mobil](#) li a ki disponib pou telechaje gratis sou aparèy iPhone ak Android. Aplikasyon an bay otomobilis yo aksè dirèk ak kamera sikilasyon yo nan tan reyèl, enfòmasyon sou sikilasyon an nan tan reyèl, ansam avèk asistans pou navigasyon pandan yo sou wout. Otomobilis yo ka enskri tou pou [imèl TRANSalert](#) ki bay dènye kondisyon sikilasyon yo sou otowout Thruway, suiv [@ThruwayTraffic](#) sou X (anvan sa yo te rele li Twitter), epi vizite [thruway.ny.gov](#) pou wè yon kat anime k ap montre kondisyon sikilasyon an sou otowout Thruway ansam avèk lòt wout Eta New York yo.

Otorite Transpò Metropolis

MTA ap siveye kondisyon meteyowolojik yo deprè pou asire sèvis san danje, ki fyab. Anplwaye MTA yo ap pare pou voye sèl, netwaye platfòm ak eskalye kote ki gen glas yo, epi kenbe siyal, entèriptè, ak twazyèm ray yo ap fonksyone, retire tout pye bwa ki tonbe ki ka tonbe sou santye yo, epi asiste nan tout defi ki lye ak kondisyon meteyo yo pandan tanpèt la. Pon ak Tinèl MTA (MTA Bridges and Tunnels) ap konseye otomobilis yo pou yo pran prekosyon lè y ap kondui sou wout ki gen glas yo epi kondui nan vitès ralanti.

Kliyan yo ankouraje tcheke [new.mta.info](#) pou dènye mizajou sou sèvis, ak pou itilize prekosyon pandan y ap navige sistèm lan. Kliyan yo tou ta dwe enskri pou sèvis alèt an tan reyèl yo atravè mesaj tèks oswa imèl. Alèt sa yo disponib tou atravè aplikasyon MTA yo: MYmta ak TrainTime.

Otorite Pòtyè

Otorite Pòtyè a ap siveye kondisyon meteyowolojik yo nan tout etablisman li yo. Nan ka ta gen kondisyon metewolojik grav, ajans lan ap bay alèt vwayaj regilye ak mizajou jan sa nesesè. Pou dènye enfòmasyon yo sou etablisman Otorite Pòtyè yo, tanpri tcheke rezo sosyal yo, enskri pou [alèt PA](#) yo oswa telechaje youn nan aplikasyon mobil PA yo, ki enkli [RidePATH](#) ki bay mizajou nan tan reyèl ak alèt pou sèvis PATH.

Lapolis Eta New York

Lapolis Eta New York prepare pou sezon ivè a epi yo pral vijilan nan siveyE kondisyon metewolojik yo. Lapolis Eta a prepare pou li deplwaye manm Patwouy anplis, jan sa nesesè. Tout machin katpakat ak veyikil espesyalize Lapolis Eta a yo, ki gen ladan motonèj ak veyikil itilitè tout tèren yo, anplas ak prè pou entèvansyon imedyat, epi yo te teste tout ekipman pou kouran ak komunikasyon ijans yo.

Divizyon Afè Militè ak Lamarin

Divizyon Afè Militè ak Lamarin (Division of Military and Naval Affairs, DMNA) sipèvize fòs militè New York la yo ki gen ladan Lame ak Gad Nasyonal Ayeryèn New York (New York Army and Air National Guard) la, ak Milis Naval New York (New York Naval Militia) la ak Gad New York (New York Guard) la. Fòs sa yo ekipe ak elikoptc, veyikil ki gen aks wo, ak ekipman komunikasyon espesyalize, ak veyikil enjenyeri.

Pou prepare pou kondisyon metewolojik sezon ivè yo, Lame ak Gad Nasyonal Ayeryèn ap rekonfigire resous enjenyè yo pou yo prepare yo pou ede gouvènman lokal yo ak netwayaj wout yo.

DMNA etabli Fòs Reyakson Inisyal nan veyikil ki gen aks ki wo nan sis rejyon yo atravè eta a. Fòs repons inisyal sa yo prepare pou bay gouvènman lokal yo sipò pandan evènman move tan danjere yo. Eleman sa yo, ki pare pou reponn nan uit èdtan apre notifikasyon, ede premye sekouris lokal yo.

DMNA kominike ak Depatman Sekirite Nasyonal ak Sèvis pou Ijans (Department of Homeland Security and Emergency Services, DHSES) pou prevwa kondisyon adisyonèl pandan sitiyasyon metewolojik danjere yo. Repons ki swivi lòt sòlda ak ekipman yo pral disponib 24 èdtan apre yo fin idantife bezwen an ak mobilizasyon inite yo.

Depatman Sèvis Biblik

Depatman Sèvis Biblik (Department of Public Service, DPS) la sipèvize preparasyon ak repons pou ijans konpayi sèvis biblik reglemante ki gen ladan aktivite preparasyon, enpak pou kliyan, ak entèvansyon nan ka tanpèt. Nan kad evalyasyon preparasyon pou sèvis biblik, anplwaye DPS yo revize epi sipèvize plan repons pou ijans sèvis biblik reglemante yo, ki gen ladann preparasyon pou siklòn ak lòt katastwòf natirèl.

Konpayi sèvis biblik New York yo genyen apeprè 5,500 travayè disponib pou angaje nan evalyasyon domaj, efò entèvansyon, reparasyon ak restorasyon atravè Eta New York, men gen plizyè milye lòt travayè yo ka rele, tou depann de gravite tanpèt la. Pèsonèl DPS la pral swiv travay sèvis biblik yo pandan tout evènman an epi sire sèvis biblik yo voye anplwaye apwopriye yo nan rejyon ki gen pi gwo enpak yo.

DPS kòmanse swiv divès kalite previzyon pou konprann posiblite ekspozisyon sèvis biblik anvan evènman metewolojik rive nan Eta New York. DPS evalye chans pou yon evènman afekte eta a epi li prepare korespondans entèn pou evènman move tan sa yo ki ka lakòz domaj oswa pwoblèm nan enfrastrikti sèvis biblik. Kòm konfyans ap ogmante nan enpak yon tanpèt, korespondans yo bay plis detay.

Sèvis biblik New York yo ap swiv tou previzyon metewolojik yo epi pran desizyon pou preparasyon yo ki baze sou previzyon an, modèl entèn yo ak eksperyans anvan yo. Anplwaye DPS yo kominike regilyèman avèk sèvis biblik yo anvan yon sistèm metewolojik afekte Eta New York pou asire ke preparasyon an ap fèt, yo diskite sou klasifikasyon anvan ensidan yo ak asiyen epi, jan sa nesesè, pou gen anplwaye ekstèn apwopriye ki asire anvan enpak yo.

Divès sèvis biblik yo kowòdone tou anvan ak apre yon evènman tanpèt, pou ede ijans 911 reyalize efò san danje, evalyasyon domaj, reparasyon ak restorasyon. Responsab minisipal yo tou rete okouran de previzyon ak preparasyon anvan evènman an, atravè sèvis biblik yo, epi rete okouran de sitiyasyon repons, reparasyon, ak restorasyon efò pandan tout yon evènman.

Otorite Enèji New York

Otorite Enèji New York (New York Power Authority, NYPA) kolabore avèk sèvis publik envestisè Eta New York posede (Investor Owned Utilities), ansanm ak sistèm elektrik koperativ minisipal ak riral yo atravè eta a, pou revize epi diskite sou asistans mityèl pou posib efò restorasyon kouran elektrik ki asosye ak evènman move tan yo. NYPA kenbe liy komunikasyon ouvè tou ak Asosyasyon Enèji Publik Ameriken (American Public Power Association, APPA) an kòm yon pati nan rezo asistans mityèl li a, ki bay yon rezo sekirite sipò pou konpayi sèvis publik ki bay kouran atravè peyi a.

Depatman Konsèvasyon Anviwònmantal (Department of Environmental Conservation)

Ofisyè lapolis yo ki nan Depatman Konsèvasyon Anviwònmantal (Department of Environmental Conservation, DEC) la, Jandam Forè yo, anplwaye Jesyon Ijans yo, ak pèsònèl reyjonal yo pal an alèt epi yo ap siveye previzyon metewolojik yo pou prepare yo pou ede ak nenpòt repons ijans. Anplis de sa, DEC ap swiv deprè kondisyon metewolojik yo pou enpak potansyèl sou liy kotyè New York la epi pral reyalize enspeksyon kotyè apre tanpèt pou evalye ewozyon ak enpak evantyèl sou pwojè ki aktyèlman ap dewoule yo. DEC ofri tou konsèy espesifik bay reydon an pou preparasyon ak repons nan ka tanpèt.

Lè posiblite pou gwo lapli egziste, yo konseye randonè yo pou evite tanporèman tout sante ki gen altitud wo yo ak sante ki travèse rivyè ak kouran dlo yo. Theke pajwèb [Enfòmasyon sou Zòn Kanpay Adirondack la](#) oswa pajwèb [Enfòmasyon sou Zòn Kanpay Catskill](#) pou mizajou sou kondisyon sante yo, fèmti wout sezonye yo, ak enfòmasyon lwazi jeneral anvan ou soti. Pandan sezon otòn lan, y ap raple randonè yo ke previzyon move tan yo se pou elevasyon ki ba yo. Prevwa pèdi senk degre Fahrenheit pou chak 1,000 pye ogmantasyon elevasyon. Gen nèj ak glas déjà sou kèk pik ki deapse 4,000 pye. Randonè yo ta dwe pote kouch ak ekipman ki awopriye yo an ka yon vwayaj dire pi lotan pase sa yo te planifye oswa si yon lannwit inatandi rive. Ipotèmi se toujou yon risk nan kondisyon imid, menm lè li fè cho deyò. Prepare ak kouch siplemantè sèk epi siveye move tan an.

Depatman Sèvis Finansye

Moun yo ka rele Liy Dirèk pou Katastwòf DFS la nan (800) 339-1759 oswa vizite [Sant Resous pou Rekiperasyon apre Katastwòf ak Inondasyon DFS](#) pou jwenn asistans ak pou reponn nenpòt kesyon ki gen rapò ak asirans.

Biwo Sèvis Enfòmasyon ak Teknoloji

Antanke founisè sèvis IT Eta New York, Biwo Sèvis Teknoloji Enfòmasyon (Information Technology Services, ITS) jwe yon wòl esansyèl nan sipòte operasyon jesyon ijans enpòtan yo, tankou bay asistans teknolojik sou plas ak zouti komunikasyon ki gen divès aspè tankou telefòn mobil, laptòp, ak wi-fi pou asire ke pèsònèl ijans yo rete konekte epi yo ka byen kominike pandan yon siklòn oswa lòt evènman menm jan an.

Pou reponn a kondisyon ki chanje byen vit, ITS te fèk kòmanse yon plan pou kreye rezèv reyjonal ekipman teknoloji enpòtan pou asire deplwaman rapid ak efikas. ITS

responsab antretyen ak sipò pou NY-Alert, sistèm alèt ak notifikasyon pou tout danje eta a, epi li kounye a kolabore ak ajans patnè li yo pou elaji baz moun ki enskri yo pou asire ke enfòmasyon an tan reyèl pou ijans, trafik ak sekirite piblik yo livre bay otan Nouyòkè posib.

Ekip Sèvis Jewospasyal (Geospatial Services, GS) ajans lan kapab itilize gwo baz done li a pou pran, kreye, estoke, entèprete, analize ak vizualize done espasyal ki ka itilize pou enfòme ak ede efò preparasyon ak repons eta a pou ijans.

Depatman Sante

Depatman Sante Eta New York (New York State Department of Health, NYSDOH) ankouraje Nouyòkè yo pou yo pran prekosyon, pandan sezon fredi a ap pwoche, pou anpeche blesi grav ak konplikasyon sante danjere ki ka lakòz move tan ki pi frèt ak aktivite ivènal yo.

Ou ka jwenn konsèy sou tan frèt [isit la](#).

Sezon ivè a kapab yon bon moman pou jwi aktivite deyò, men yo ka vin trajik tou san preparasyon ak prekosyon.

Abiye kòmsadwa pou anpeche fredi, fè atansyon lè w ap itilize jeneratris ak aparèy chofaj espas yo, epi asire w ke w konnen kondisyon wout yo anvan w vwayaje ka kenbe Nouyòkè yo an sekirite ak an sante pandan mwa ivènal yo.

Biwo pou Asistans Tanporè ak pou Moun Andikape

Biwo Asistans Tanporè ak Andikap la te kòmanse aksepte aplikasyon pou Pwogram Asistans pou Enèji nan Kay (Home Energy Assistance Program) la, oswa HEAP, 1e novanm. HEAP kapab bay jiska 976 dola nan ivè sa pou ede fanmi ki gen revni ba ak mwayen yo ak gramoun aje yo kenbe kay yo cho ak ede kouvri depans enèji ki wo yo.

Kalifikasyon an baze sou revni, gwosè fanmi an ak jan yo chofe kay lan. Yo ap aksepte aplikasyon yo nan [depatman sèvis sosyal lokal](#) yo, epi yo ka [soumèt yo sou entènèt, pa lapòs oswa an pèsòn](#) Nou ankouraje Nouyòkè yo pou yo aplike bonè, paske bay asistans yo sou yon baz premye vini yo se ap premye sèvi. Pou plis enfòmasyon, vizite: [otda.ny.gov/HEAP](#).

Biwo Pak, Lwazi ak Konsèvasyon Istorik (Office of Parks, Recreation and Historic Preservation)

Nan ka move tan yo prevwa, Lapolis Pak Eta New York ak anplwaye pak yo rete alète epi y ap swiv deprè kondisyon metewolojik ak enpak yo. Lapolis Pak Eta ak pèsonèl pak yo kowòdone ak lòt ajans eta yo pou bay ekipman ak pèsonèl repons pou ijans ki nesesè yo, ki gen ladan ekip sekou ki ekiplak ak UTV yo, motonèj ak veyikil 4x4 yo; ekip siyè ak sipò lojistik.

Vizitè pak yo ta dwe vizite parks.ny.gov, tcheke aplikasyon mobil gratis NY State Parks Explorer oswa rele biwo pak lokal yo pou yo jwenn dènye nouvèl konsènan lè fonksyònman pak yo, lè ouvèti ak fèmti yo.

Konsèy Sekirite pou Nouyòkè yo

Deplasman nan sezon ivè

Men kèk nan konsèy ki pi enpòtan pou woule ansekirite:

- Pa kondui, sof si sa nesesè.
- Pran prekosyon sou pon yo paske li ka fè glas la pi vit pase sou wout yo.
- Si ou dwe vwayaje, asire ou ke otomobil ou gen materyèl pou siviv tankou lenn, yon pèl, flash ak pil anplis, rad cho anplis, yon pè chèn pou kawotchou, kab boustè pou batri, manje ki bay enèji rapid ak rad ki gen koulè klere pou sèvi kòm drapo detrè.
- Si ou gen telefòn selilè oswa lòt aparèy komunikasyon tankou yon wòki tòki disponib pou ou sèvi, kenbe batri a chaje epi kenbe l avè ou tout lè ou ap vwayaje. Si ou ta vin bloke, ou ap kapab rele pou mande èd, enfòme sekouris yo sou kote ou ye.
- Prensipal kòz lanmò ak blesi pandan tanpèt ivè se aksidan transpò. Anvan ou chita dèyè volan, pa bliye retire glas ak nèj ki sou machin ou an; bon vizyon se sekrè kondui byen. Planifye arè ou yo epi kite plis distans ant machin yo. Pote plis atansyon epi sonje pil nèj yo ka maske timoun ki pi piti yo. Toujou koresponn vitès ou selon kondisyon wout la epi selon meteyowolojik.
- Li enpòtan pou chofè ki sou tout wout yo konnen vitès chasnèj yo se 56 kilomèt alè, sa ki nan anpil ka pi ba pase limit vitès ki make a, pou yo ka garanti sèl yo simen an rete nan vwa sikilasyon yo epi pa dispèse andeyò wout yo. Anpil fwa sou otowout ant eta yo, chasnèj yo opere kòtakòt, kòm se fason ki pi efikas epi ki ofri plis garanti pou netwaye plizyè vwa yon sèl kou.
- Chofè machin ak pyeton dwe sonje chofè chasnèj yo ka wè devan yo sou yon distans limite, epi gwosè ak pwa chasnèj yo ka fè l difisil pou maneuvre epi frennen touswit. Nèj chasnèj la ap soufle dèyè li ka diminye vizibilite anpil oubyen kreye yon vwal blan. Chofè machin yo pa ta dwe eseye double chasnèj yo, ni swiv yo twò pre. Kote ki gen plis sekirite pou chofè machin yo woule se lwen dèyè chasnèj yo, kote wout la klè epi gen sèl sou li. Pa janm eseye pase sou yon chasnèj pandan l ap fonksyone.

Blakawout yo

- Tcheke konpayi sèvis piblik ou a pou ou ka konnen orè reparasyon nan zòn nan.
- Etènn oswa deploge limyè ak aparèy menaje pou ou ka evite yon sichaj kouran lè yo repare sèvis la: kite yon limyè limen pou endike lè yo te retabli kouran.
- Si chalè a ale pandan yon tanpèt ivènal, kenbe kay la cho lè w fèmen chanm ou pa bezwen yo.
- Pou rapòte yon blakawout, rele:

- Central Hudson: 800-527-2714
- Con Edison: 800-752-6633
- National Grid: 800-867-5222
- NYSEG: 800-572-1131
- O&R: 877-434-4100
- PSEG-LI: 800-490-0075
- RG&E: 800-743-1701

Sekirite pou Chofaj

- Sèvi ak sous chalè altènatif ki an sekirite sèlman tankou yon chemine, ti recho a bwa oswa a chabon ki byen ayere oswa aparèy chofaj pòtab.
- Toujou Swiv enstwiksyon fabrikan yo.
- Lè w ap itilize sous chalè altènatif tankou yon chemine, recho a bwa, elatriye, toujou asire w ke ou gen bon vantilasyon.
- Kenbe rido, sèvyèt ak manchon pwoteksyon yo lwen sifas cho.
- Gen yon ekstenktè ak detektè lafimen epi asire w yo fonksyone.
- Si w itilize aparèy chofaj ki mache ak kewozèn pou konplete gaz chofaj regilye w la, oswa kòm yon sous chalè ijans, swiv konsèy sekirite sa yo:
 - Swiv enstwiksyon fabrikan yo.
 - Sèvi ak gaz ki kòrèk la sèlman pou inite w la.
 - Remete konbistib deyò sèlman epi lè inite a frèt sèlman.
 - Kenbe aparèy chofaj nan yon distans omwen twa pye ak mèb yo lòt eleman konbistib yo.
 - Lè w ap itilize aparèy chofaj la, sèvi ak pwoteksyon kont dife epi vantile byen.

Pou plis konsèy sekirite sou ivè a, vizite dhses.ny.gov/safety.

Pou tout bezwen sèvis ki pa ijans anvan, pandan oswa apre yon tanpèt nan Eta New York, rele 211 oswa vizite 211nys.org.

###